

Ո Ր Ո Շ ՈՒ Մ
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

« 27 » Օգոստոս 2020թ.

N Վ-34/52

1. Վարչական իրավախախտման վերաբերյալ գործի նկարագրությունը, վարչական ակտն ընդունելու համար հիմք հանդիսացող փաստերը.

Երևանի քաղաքապետարանի աշխատակազմի քաղաքաշինության և հողի վերահսկողության վարչության աշխատակից Ա. Միմոնյանի կողմից 25.10.2019 թվականին հայտնաբերվել է Հայաստանի Հանրապետության Վարչական իրավախախտումների վերաբերյալ օրենսգրքի (այսուհետ՝ Օրենսգիրք) 157.15-րդ հոդվածի 3-րդ մասով նախատեսված վարչական իրավախախտում, մասնավորապես՝ կառուցապատող «Ակվա-Լեն Շին» սահմանափակ պատասխանատվությամբ ընկերության տնօրեն Հայկ Սանասարի Հոպանյանի կողմից Չարենցի փողոցի հ. 76/5 հասցեում կաթսայատան շենքի քանդման համար նախատեսված շինարարական հրապարակը պատշաճ կազմակերպված չէ, մասնավորապես՝ բացակայում է ժամանակավոր սահմանազատող մետաղական ցանկապատը, որի վերաբերյալ 25.10.2019 թվականին կազմվել է վարչական իրավախախտման վերաբերյալ թիվ 032420 արձանագրությունը (այսուհետ՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը կառուցապատող «Ակվա-Լեն Շին» սահմանափակ պատասխանատվությամբ ընկերության տնօրեն Հայկ Սանասարի Հոպանյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել կառուցապատող «Ակվա-Լեն Շին» սահմանափակ պատասխանատվությամբ ընկերության տնօրեն Հայկ Սանասարի Հոպանյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն նամակը չի հանձնվել՝ վերջինիս չհայտնաբերելու պատճառով:

Հաշվի առնելով, որ Վարչական իրավախախտումների վերաբերյալ օրենսգրքի դրույթներով չեն կանոնակարգվում վարչական իրավախախտման վերաբերյալ վարույթների կասեցման դեպքերը, հիմքերն ու կարգը, և այդպիսի կարգավորումները սահմանվում են «Վարչարարության հիմունքների և վարչական վարույթի մասին» օրենքով (հետայսու՝ Օրենք), ուստի ղեկավարվելով Օրենքի 49-րդ հոդվածի 1-ին մասի «գ» կետով՝ 25.10.2019 թվականին կառուցապատող «Ակվա-Լեն Շին» սահմանափակ պատասխանատվությամբ ընկերության տնօրեն Հայկ Սանասարի Հոպանյանի նկատմամբ կազմված հ. 032420 արձանագրության հիման վրա հարուցված վարչական վարույթը 12.12.2019 թվականի հ. Վ-47/28 որոշմամբ կասեցվել է:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը կառուցապատող «Ակվա-Լեն Շին» սահմանափակ պատասխանատվությամբ ընկերության տնօրեն Հայկ Սանասարի Հոպանյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել կառուցապատող «Ակվա-Լեն Շին» սահմանափակ պատասխանատվությամբ ընկերության տնօրեն Հայկ Հոպանյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցադրերը հնարավոր չի եղել հանձնել՝ վերջինիս չհայտնաբերելու պատճառով:

Վարչական իրավախախտման գործի վերաբերյալ 05.02.2020 թվականի հ. Վ-5/24, 01.04.2020 թվականի հ. Վ-13/17, 27.05.2020 թվականի հ. Վ-21/84, 23.07.2020 թվականի հ. Վ-29/57 որոշումներով կառուցապատող «Ակվա-Լեն Շին» սահմանափակ պատասխանատվությամբ ընկերության տնօրեն Հայկ Սանասարի Հոպանյանի նկատմամբ կասեցված վարչական վարույթը վերսկսվել է:

Վարչական իրավախախտման գործի վերաբերյալ 05.02.2020 թվականի հ. Վ-5/30, 01.04.2020 թվականի հ. Վ-13/23, 27.05.2020 թվականի հ. Վ-21/89, 23.07.2020 թվականի հ. Վ-29/62 որոշումներով կասեցվել է 25.10.2019 թվականին «Ակվա-Լեն Շին» սահմանափակ պատասխանատվությամբ ընկերության տնօրեն Հայկ Սանասարի Հոպանյանի նկատմամբ կազմված հ. 032420 արձանագրության հիման վրա հարուցված վարչական վարույթը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը կառուցապատող «Ակվա-Լեն Շին» սահմանափակ պատասխանատվությամբ ընկերության տնօրեն Հայկ Սանասարի Հոպանյանի մասնակցությունը ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել կառուցապատող «Ակվա-Լեն Շին» սահմանափակ պատասխանատվությամբ ընկերության տնօրեն Հայկ Սանասարի Հոպանյան ին Երևանի քաղաքապետարանում 27.08.2020 թվականին կայանալիք նիստին ծանուցելու համար:

Կառուցապատող «Ակվա-Լեն Շին» սահմանափակ պատասխանատվությամբ ընկերության տնօրեն Հայկ Սանասարի Հոպանյանը ծանուցված լինելով 27.08.2020 թվականին կայանալիք գործի քննության տեղի և ժամանակի մասին՝ չներկայացավ, ուստի Օրենսգրքի 267-րդ հոդվածի 1-ին մասի համաձայն գործը քննվեց վերջինիս բացակայությամբ:

Գործի քննության ընթացքում՝ որպես մեկ համակցություն, հետազոտվեցին արձանագրությունը, 23.09.2019 թվականի հ. 01/18-Դ-2038-74 քանդման թույլտվությունը, շինարարական հրապարակի կազմակերպման սխեման, ընկերության պետական գրանցման վկայականի պատճենը, Երևանի քաղաքապետարանի աշխատակազմի քաղաքաշինության և հողի վերահսկողության վարչության պետի 28.10.2019 թվականի հ. 19/22622, 27.11.2019 թվականի հ. 19/105892 գրությունները, Երևանի քաղաքապետարանի աշխատակազմի քաղաքաշինության և հողի վերահսկողության վարչության տարաշրային երկրորդ բաժնի աշխատակցի 25.10.2019 թվականի արձանագրությունը, Երևան քաղաքի Աջափնյակ վարչական շրջանի ղեկավարի 11.12.2019 թվականի հ. 28/121684 գրությունը, Երևան քաղաքի Կենտրոն վարչական շրջանի ղեկավարի 12.05.2020 թվականի հ. 23/35-44108 գրությունը և իրավախախտման լուսանկարները:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ կառուցապատող «Ակվա-Լեն Շին» սահմանափակ պատասխանատվությամբ ընկերության տնօրեն Հայկ Սանասարի Հոպանյանի կողմից Չարենցի փողոցի հ. 76/5 հասցեում կաթսայատան շենքի քանդման համար նախատեսված շինարարական հրապարակը սահմանազատող ժամանակավոր մետաղական ցանկապատը պատշաճ կազմակերպված չէ, ինչն առաջացնում է նաև շինարարական հրապարակից դուրս ընդհանուր օգտագործման տարածքների աղտոտման: Կառուցապատող Գոհար Բշխանի Սարգիսյանի կողմից ապահովված չէ Երևան քաղաքի ավագանու 16.03.2012թ. N 405-Ն որոշմամբ հաստատված կարգի 6-րդ կետի 4-րդ, 7-րդ կետի 4-րդ, 7-րդ ենթակետերով սահմանված պայմանները:

Կառուցապատող «Ակվա-Լեն Շին» սահմանափակ պատասխանատվությամբ ընկերության տնօրեն Հայկ Սանասարի Հոպանյանի կողմից թույլ է տրվել Օրենսգրքի 157.15-րդ հոդվածի 3-րդ մասով նախատեսված վարչական իրավախախտում:

Հաշվի առնելով, որ կառուցապատող «Ակվա-Լեն Շին» սահմանափակ պատասխանատվությամբ ընկերության տնօրեն Հայկ Սանասարի Հոպանյանը չի ներկայացել գործի քննությանը, որի շրջանակներում հնարավորություն ուներ ներկայացնելու բացատրություններ և պարզաբանումներ՝ իրավախախտման հետևանքների վերացրած լինելու մասին, որի վերաբերյալ չի ներկայացրել նաև որևէ գրավոր դիրքորոշում, ինչպես նաև հետզոտելով գործում առկա բոլոր նյութերը, հետևում է, որ տվյալ դեպքում առկա չէ վարչական իրավախախտման համար պատասխանատվությունը մեղմացնող հանգամանքը:

2. Վարչական ակտ ընդունելու հիմնավորումները.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ

անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 157.15-րդ հոդվածի 3-րդ մասի համաձայն՝ կառուցապատվող օբյեկտներում շինարարական հրապարակների տարանջատման ու սանիտարական վիճակի ապահովման պայմանները չպահպանելը առաջացնում է տուգանքի նշանակում՝ սահմանված նվազագույն աշխատավարձի յոթանասունապատիկից մինչև հարյուրապատիկի չափով:

Օրենքի 1-ին հոդվածի համաձայն՝ սույն օրենքը սահմանում է վարչարարության հիմունքները, կարգավորում է վարչական ակտեր ընդունելու, վարչական ակտերը, վարչական մարմինների գործողությունները և անգործությունը բողոքարկելու, վարչական ակտի կատարման, վարչական ծախսերի, ինչպես նաև վարչարարությամբ հասցված վնասի հատուցման հետ կապված՝ վարչական մարմինների և ֆիզիկական կամ իրավաբանական անձանց (հետայսու՝ անձինք) միջև ծագած հարաբերությունները:

Օրենքի 49-րդ հոդվածի 1-ին մասի «գ» կետի համաձայն՝ վարչական մարմինը պարտավոր է կասեցնել վարչական վարույթը, եթե վարչական ակտի ընդունումը հնարավոր է միայն այդ ակտի հասցեատիրոջն ի հայտ բերելու դեպքում:

Օրենքի 49-րդ հոդվածի 3-րդ մասի համաձայն՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանալուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 34-րդ հոդվածով, 157.15-րդ հոդվածի 3-րդ մասով, 219.1-րդ, 252-րդ, 281-րդ և 282-րդ հոդվածներով, Օրենքի 49-րդ հոդվածի 1-ին մասի «գ» կետով, 3-րդ մասով, Երևանի քաղաքապետի 14.02.2020 թվականի թիվ 460-Ա որոշմամբ՝

ՈՐՈՇԵՑԻ

1. Կառուցապատող «Ակվա-Լեն Շին» սահմանափակ պատասխանատվությամբ ընկերության տնօրեն Հայկ Սանասարի Հոպանյանի նկատմամբ 23.07.2020 թվականի հ. Վ-29/62 որոշմամբ կասեցված վարչական վարույթը վերսկսել:

2. Կառուցապատող «Ակվա-Լեն Շին» սահմանափակ պատասխանատվությամբ ընկերության տնօրեն Հայկ Սանասարի Հոպանյանին Օրենսգրքի 157.15-րդ հոդվածի 3-րդ մասով ենթարկել վարչական պատասխանատվության՝ նշանակելով վարչական տույժ 100.000 (մեկ հարյուր հազար) ՀՀ դրամ գումարի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվեհամարին:

4. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱՆԱԽՏՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺՆԻ ՊԵՏ՝

ԱՐԱՄ ԱԲՈՎՅԱՆ

